

Virginia & Florida.

VIRGINIA.

Insula.
Unde dicta.

Soli ferti litae.

Animalium va-
rietas.
Opida.

Flumina.

Silva.

S Equuntur in nostra Methodo *Virginia & Florida*. *Virginia* quæ primo loco occurrit, nomen a *Vigino* Regulo, secundum nonnullos, seu, ut mavult ille qui Francisci Draci expeditionis anno **CIOIO LXXXI V** ad Occidentales Indias Diarium aut Commentarium edidit, ab Elizabetha Angliæ Regina nomen tulit. Incolis *Wingandacoa* dicitur. Fert autem ubertate quadam felicitateque miranda, quidquid Vitæ ex voto transigenda, deliciisque fruendis necessarium: Vinum, Oleum, Fabas incolis *Okindgere*, Pisa, quæ illis *Wickanzewr*: Pepones & Melones, ipsis *Macocquer*; Herbas varias: Castaneas, Nuces Iuglandes, Fraga, aliosque Fructus nobilissimos; item Alumen, Picem aridam & liquidam, Terebinthinam, Ferrum, Cuprum, Sericum, Linum, Cannabim, Gemmas, aliaque plurima. Verum ante alia Frumentum, (*Pagato*vr indigenæ vocant & Indi Occidentales *Maiz*) incredibili fecunditate luxuriat: quod eo certe vehementius demirari licet, quod levissimam tenuissimamque agriculturæ curam ac rationem exerceant. Agros enim leviter expurgatos, & liliis evulsis sarritos, cum aratrum vomeremque penitus ignorent, non tanto inductis sulcis subruendi, glebas occandi, deinde post jacta semina cylindro æquandi labore fatigant Incolæ, quantum nostri ad Fruges ferendas requirunt, sed lignea pala modice vulneratam humum leviter invertunt, scrobibusque effosis grana pallino ligneo, sicut apud nos fabæ solent, depangunt, quæ terra demum superfusa condita in summam luxuriam prorumpunt.

Animalia in nonnullis locis producit varia; Ursos, Leones, Lupos, Cuniculos, & quæ Incolæ vocant *Saque-nuckot*, *Maquowoc*, & *Squirrels*. Aves præterea cum alias, tū Gallos & Gallinas Indicas, Columbas, Perdices, Grues, Cygnos, Anseres, Psittacos, Falcones, & Accipitres. Opida hic exigua, decem aut duodecem ædium capacia: defixis humi palis, angusto aditu in orbem ædificant, Templo, Principis, Procerumque mansionibus, & area, seu foro rerum vanalium, domibusque Incolarum, circumquaque in circuitu distinctis affabreque collocatis. Civitates circa littus sunt hæ: *Pyskokonnok*, mulierum vivitas, *Chipanum*, *Weopomiok*, *Muscumunge*, & *Mattauguen*, *Ooanoke* Anglis dicta cæca civitas, *Pemecke*, *Shycoake* civitas ampla, *Chowanoake*, *Sequotam*, & alix.

Flumina quibus rigatur sunt *Occam*, *Cipe*, *Nomopano*, *Nem*, & alia. Quatuor mensibus anni Februario, Martio, Aprili & Maio, copiosa hic Acipenserum captura: atque etiam iisdem mensibus Alecum. Sunt & Troscæ saporis jucundissimi, optimi nutrimenti: Raix, Mugiles, Passeres, ac multa alia genera Piscium. Silvas etiam habet & Nemora frequentia, Cuniculis, Leporibus, atque Avibus referta. Silvæ non sunt quales in Bohemia, Moscovia aut Hyrcania nudæ gignentium & steriles: sed celsissimis atque optimis quæ in toto Orbe reperiantur, Cedris